

ESTRADIZIOA. Lau urte eta erdi egin ditu Frantziako kartzeletan, 1997an atxilotu eta gero

Joseba Urrosolo Espainiako Poliziaren esku utzi du Frantziak

Epailearen aurrean deklaratzeari uko egin dio, eta Soto del Real espetxera eraman dute

Agentziak | MADRIL

Joseba Urrosolo Sistiaga ustezko etakidea Espainiako Poliziaren esku utzi zuen atzo Frantziak. Urrosolo eguerdiko 12:02an iritsi zen Madrilgo Barajas aireportura, Air Franceko hegaldi batean. Frantziako Poliziak babestuta jaitsi zen hegazkinetik, eskuburdinekin, eta Espainiako Poliziaren esku utzi zuten bertan.

Aireportutik Entzutegi Nazionalera eraman zuten, eta han bertako epaile Baltasar Garzon —aste honetan guardian dago—, hamar minutuan deklarazioa hartu ondoren, espetxeratzeko agindu zuen. Soto del Real kartzelan sartu zuten.

Aireportura ailegatu zenean, Urrosolok ez zuen nahi izan auzi medikuak azter zezan, «saso betean» dagoela argudiatu. Gainera, uko egin zion epailearen aurrean deklaratzeari. Iturri juridikoek jakinarazi zuten, epaileak ea ETAKoa zen galdetu zionean, «horrelako galderei ez diet erantzuten», ihardetsi zuen. Euskal Herrikanpo zenbat denbora darman galdetzean, berriz, hauxe esan zuen: «Parisen baldin banago ere, beti nago Euskal He-

rrian». Gero, hogeitau urte daramatza erantzun zuen.

Hamaika sumario irekita

Garzon epaileak auzipetzearen berri eman zion. Urrosolok, 43 urteko donostiarrak, hamaika sumario dauzka irekita Instrukzio 1., 2., 4. eta 5. epaitegietan. Horrez gain, Bosgarren Sala —Garzon da bertako epaile— ikertzen ari den hiru sumarioengatik galdekatu zuen atzo Baltasar Garzonek. 1991ko urrian Zaragozan jarritako bonba-autoaren eta hiru hilketen inguruan egin zizkion galderak; eta 1992ko urtarrilaren 15ean Valentzian Luis Broseta Zuzenbide Konstituzionaleko katedradunaren eta hurrengo egunean Bartzelonan Virgilio Mas Navarro eta Juan Querol Queralt Armadako ofizialen hilketen inguruan.

Epaitegian Zigor Reizabal abokatua egon zen. Gainera, Brosetaren hilketagatik egindako galdeketa Valentziako Abokatuen Elkarteak osatutako herri akusazioko eta Brosetaren familiak osatutako akusazio partikularreko abokatuak izan ziren. Astelehenean berriro deklaratu beharko du Instrukzio Epaitegiko Bigarren Salan.



Joseba Urrosolo, Madrilgo Barajas aireportura iritsi zenean.

Poliziak hogeita hamar atentatutan parte hartzea egotzi dio. Hamasei hilketa eta Emiliano Revilla enpresariaren eta Diego Prado Colon de Carvajal finantzariaren bahiketak leporatu dizkio. Era berean, Madrilgo Rios Rosas kaleko Telefonikaren eraikina leherrarazteagatik auzipetuta dago.

Joseba Urrosolok lau urte eta erdi igaro ditu Frantziako espetxeetan. 1997ko urtarrilaren 16an atxilotu zuen Frantziako Poliziak, Sait Foi La Granden (Frantzia), Bodeletik gertu, errepide-kontrol batean. Parisko Auzitegi Korrekzionalak sei urteko kartzela zigorra ezarri zion.

UPN-PSN

«Autoritarioa eta mutiria» izatea egotzi dio PSNk UPN alderdiari

Agentziak | IRUÑEA

PSNko Koordinazio idazkari Jorge Morik herenegun UPNk esandakoak gaitzetsi zituen atzo, eta erregionalistak «alderdi popularraren taktika bera» erabiltzea salatu zuen; hots, «jasaten dituen kritikak ikusirik, kritika zorrotzagoak botatzeari». Moriren ustetan, UPN ez dago kritikak jasotzera ohituta, «ez zaizkio gustatzen», eta, horregatik, autokritikak «onartzen hasi beharko luke». Alderdi «autoritarioa» izatea eta «nagusikeriaz» jokatzeari leporatu dio UPNri Nafarroako alderdi sozialistak.

Horrelaxe erantzun zien atzo Morik herenegun Alberto Catalan UPNko idazkariak botatako. Catalanek alderdi sozialista «nora ezean» dabilela esan zuen, aurretik PSNko idazkariak esandakoei ihardetsiz. Juan Jose Lizarbek politika ekonomikoa ez egin izana egotzi zion UPNri, eta, horren ondorioz, aste osoan ika-mika aritu dira bi alderdietako ordezkariak.

Morik atzo adierazi zuenez, UPNk ez du zergatik PSNren norabideaz arduratu. Datorren urteko aurrekontuei begira, PSNk negoziatzaile prest dagoela esan zuen, eta CDNren presentziak ez duela arduratzen adierazi zuen.

EUSKAL PRESOK. Informazioa trukatu dute

Senideetako bi ordezkari Argentinan eta Uruguain dira, harremanak estutzeko asmoz

Erredakzioa | DONOSTIA

Tomas Karrera eta Josu Cerrato Senideak-Gureak Elkarteko ordezkariak Argentinan eta Uruguain dira iragan ostegunaz geroztik, bi herrialdeekin harremanak estutzeko asmoz.

Buenos Airesen, Maiatzeko Plazako Amekin eta giza eskubideen aldeko erakundeekin elkartu ziren. Era berean, zenbait politikari eta hedabide garrantzitsurekin bildu ziren. Euskal

Herriaren eta euskal preso eta errefuxiatuen egoera plazaratzeari gain, informazioa trukatu zuten. Aurretik, harremanak izan dituzte Argentinako hedabide eta talde politikoekin. Horrez gain, Montevideora joateko gonbita jaso zuten Senideetako ordezkariak. Abuztuaren 25ean beteko dira zazpi urte hiru euskal iheslari Uruguaitik estraditatu zituztela. Horren aurka eginiko manifestazioetan hildakoak izan ziren.

**PRESOK ETA IHESLARIAK
ETXERA!
KONPONBIDE DEMOKRATIKOA ORAIN**

**Gaur arratsaldeko 6etan SABIN ETXEA aurrean
(Jardines de Albia - Bilbo)**

**KONTZENTRAZIOA
eta ondoren
HERRIALDEKO MANIFESTAZIOA**

Bizkaiko   